

lis Gnovis

■ **AQUILEE.** La poetiche di Renato lacumin

Lis notis de corâl «Natissa», l'intervent dal curadôr Ferruccio Tassin e lis leturis di Giorgio Monte a àn insiorât la serade dai 18



di Novembar dedicade de «Filogjiche» e dal Fogolâr «Ugo Pellis» a la presentazion de «opera omnia poetica» dal inteletuâl aquileis Renato lacumin, tal diesim inovâl de muart (1941-2012; te foto, tun ritrat di Gianni Di Lena). Il volum, par titol, al à il non des manifestazions – «Côr la flumera granda» – inmaneadis par memoreâ l'ereditàt culturâl di lacumin, ch'al fo insegnant, storic, poete e om politic e ch'al à lassât une olme preziose massime cui siei studis, origjinâi e inovatîfs, sui mosaics de basiliche patriarcjâl.

■ **CIMOLAIS.** Formazion e ricerce scientifiche

Al torne, cu la tierce edizion, il «Premi di laureade Dolomitis Patrimoni mondiâl Unesco», ch'al smire di prudelâ la ricerce su la conservazion, la comunicazion e la valorizazion dal compresori dolomitàn e di promovî la partecipazion de zoventût e l'esercizi di chê gjestion ative ch'è compet a ogni citadin. Te organizazion, parie cu la Provincie di Trent, a son ingaiadis la Rêt de formazion e de ricerce scientifiche de «Fondazion Dolomitis Unesco» e la Scuole pal guvier dal teritori e dal paisaç «Tsmstep». I studis academics a varan di profondi i leams fra Dolomitis e Olimpiadis dal 2026 e lis cuistions de sostenibilitât, de conservazion e de gjestion dai valôrs «Unesco». Pal prin viaç a podaran concori ançe students di Universitâts forestis. La domande di partecipazion e larà presentade drenti dai 26 di Lui dal 2024.

■ **SAN STIEFIN.** Teatri pal Cumieli

Lis protagonistis dal ultin apontament de rassegne «Autunno a teatro in Comelico», domenie ai 27 di Novembar, a saran lis compagnis «Giù dai Colli» e «Gruppo teatro Pordenone», cu la comedie di Luciano Rocco te fevele pordenonese «El ponte de la Silvia». Dai 30 di Otubar, par 4 domenis, a son stadis rapresentadis lis oparis: «Fiore di Cactus», «Lora del the», «Circhetto. Il circo che ci sta stretto» e «Amore, c'è un morto in salotto». Il dopomisdì cu lis compagnis furlanis al començarà a 17, li dal «Cinema Piave» di Sa Stefi/San Stieffin di Gjadovri. La rassegne e je curade dal «Gruppo musicale di Costalta», dal grop teatrâl «Comelianti» e dai «Amici del Teatro» (www.icomelianti.it).

■ **PADIER.** Il manuâl su lis aghis de Patrie

In grazie de Universitât pe Tierce etât «Paolo Naliato» di Udin, Zuan Pilosio al à rivât adore di publicâ i siei studis su lis aghis de Patrie, intun biel librut cul titol «Aghes risultive di vite». La publicazion e jentre tal progjet «#ripartire in sal-UTE» e, gjavadis lis jentradis e un cjapitul dedicât a lis escursions naturalisticis de «Societât alpine furlane» dal 2021, e je fûr par fûr par furlan. Pilosio al propon un ristret di gjeografie fisiche e dal sisteme idrologjic regionâl e po al presente lis aghis plui impuartantis: Livence, Ciline, Midune, Tiliement, Tor, Nadison, Lusing, Timau e Stele, proponint une voglade ançe su «Lis aghis derivadis» e sui points.

Miercus 23 S. Clement I pape

Joibe 24 S. Crisogun di Aquilee

Vinars 25 S. Catarine di Alessandrie

Sabide 26 S. Dolfine vedue

Domenie 27 I Domenie di Avent

Lunis 28 S. Mansuêt vescul

Martars 29 S. Saturnin vescul

Il timp Timp variabil



Il soreli

Ai 23 al jeve aes 7.18 e al va a mont aes 16.26.



La lune

Ai 23 Lune gnove.

Il proverbi

L'amôr, il fûc e la tos prest si cognôs.

Lis voris dal mès

Protezêt cul tiessût no tiessût dutis lis verduris intal ort, par che a puedin cressi ancjemò un tic e il frêt no lis ruvini.

Fra i Sants vicîns

Porpêt al onore
il so paisan Decio
Bragagnini (1993-2019)

Cuant che la Glesie udinese e deciderà di dedicâr un secont librut ai «Testimoni della speranza in Friuli», seguitant l'opere screade tal An pastorâl 2013-2014 cuant ch'a forin presentadis lis figuris luminosis di Luigi e di Maria Beltrame Quattrocchi, di Concetta Bertoli, di Giuseppe Brosadola, de muinie Amelia Cimolino, di Margherita Peratoner, di Tarcisio Petracco, di san Luigi Scrosoppi, di Daniele Sipione, di Tiziano Tessitori, dal frati David Maria Turollo e dai predis Emilio De Roja, Albino Perosa, Francesco Tomadini e Giuseppe Treppo, dal sigûr, al podarà figurâ in prime file, fra i champions gnûfs, ançe Decio Bragagnini. La sô figure di om zentil e premurôs e je stade memoreade cun afiet ai 30 di Otubar, tal so pais tant cjâr di Porpêt, di chê strade de presentazion da la publicazion «Con il paese nel cuore - Decio Bragagnini, maestro di scuola e di vita», saltade fûr par cure dal grop teatrâl «Vecjo Friûl» e dal Cumon. Bragagnini al jere nassût dal 1933 e al è muart di 86 agns, ai 21 di Avost dal 2019. Al à studiât cui fraris dal Ordin dai Servidôrs di Marie e si è diplomât mestri a Vicence dal 1954. Daspò di un'esperienze di lavôr intune librerie di Rome, al à tacât a insegnâ tes scuelis de Basse, passant par San Zorç di Noiar, Fossalte, San Micjêl, Perateade, Cjarlins e Corgnûi. Dal 1986 al 1994, al à stât volontari li de Caritas diocesane, impegnantsi massimementri te segretarie udinese e te organizazion dai Cors di formazion pai volontaris. Il librut che la sô Comunitât i à dedicât al marche dutis lis sôs virtûts e la cualitât dal so lavôr in ducj i setôrs dulà che si è impegnât: chel pedagogjic, chel storic, chel antropologic e chel sociâl.



Decio Bragagnini in esplorazion su lis muris di Palme, cuntun scjap di scuelaris

Tal librut
«Con il paese
nel cuore»,
la storie
di un «mestri
di scuele
e di vite»

La gnece Annalisa Bragagnini, i monsignôrs Iginio Schiff e Angelo Zanello, Maddalena Cantoni, Diego Navarra, Marco Zanon e Flavio D'Agostini a proferissin, tai siei bocons, lis «tantis musis de personalitât dal mestri Decio, cjapant drenti ançe la dimension spirituâl, ch'è jere unevore siore e che lui al à simpri nudrît», cemût ch'al à palesât il presentadôr e curadôr dal libri, Ferruccio Tassin, intant de serade di Porpêt. Il tesaur plui prezios de publicazion, tant e tant, a son i scrits ineditis dulà che Decio Bragagnini al à tirât dongje lis sôs ricerchis e i siei ricuarts personai su «Religione cristiana e inculturazione popolare nella comunità di Porpetto, agli inizi del 1900», prontâs tal mès di Dicembar dal 2002. «Decio al à tirât sù cun pazienze e coerenza» chês usancis – al à sclarît Tassin – parcè che lui «nol jere dome un informadôr, al jere un ch'al viveve chei moments, che ju studiave, che ju insedave te storie de pietât populâr, ch'al è alc di diferent di chê definide «religiosità», peraula ch'è po ançe volê di alc di «intor de religion» e no «den-

tri»; o ben, ançe masse fûr, cun sconfinaments te superstizion». Ogni pagjine di Bragagnini e dal librut che lu ricuarde e devente une guide sigure par scuvierzi une figure buine d'incjarnâ chel stamp di santità dai «santi della porta accanto», che Pape Francesc al à simpri indiment e che nol cesse mai di presentâ come speli di vite cristiane di imità e di lassâsi ispirâ e tant che cuintrivelen cuintri de mondanità e dal clericalisim.

Mario Zili

Messe par furlan

A Udin, la Messe par furlan e ven cjantade sabide ai 26 di Novembar a 5 e mieze soresere, li de capele «de Puritàt», daprûf dal domo (cun Radio Spazio che le trasmet sul moment). E compagnarà la celebrazion la corâl «Garzoni» di Adorgnan. Al cjantarà messe pre C. Bevilacqua.

Tradizions furlanis dal mès par cure di Mario Martinis

SANTE CATERINE E SANT ANDREE

Te tradizion dal Friûl contadin la fieste di Sante Caterine, martare egiziane, e diventà date di fonde dal calendari di novembar ançe parcè che e rapresentave une impuartante soie climatiche e agrarie dal autun, come che a contin i proverbis che la rivuardin: Sante Catarine, la nêf su la culine, Sante Catarine, il frêt par ogni aine, Sante Catarine e mene il frêt cu la careline, ecc. Chenti la sante e je unevore ricuardade ançe pe sagrone a jê intitulado e pal mercjât cun ogni ben di Diu che si tegin in place grande a Udine il 25 di Novembar, dulà che si da donje cetante int che ven di ogni bande dal Friûl. Andree, invecti, al jere fradi di Simon Pier e pescjadôr adun cun lui, che al ve il martueri picjât a cjâf in jù, e secont tradizion, propit a une crôs a forme di X, clamade, apont, crôs di Sant Andree. Chest al capitâ il 30 di Novembar di un an tor il 60 d. C. Pur mancjant scuasit un mes ae jentrade dal unvier, a la fin di Novembar in Friûl la temperadure e je za frede, tant che la tradizion dal popul e



considerare la fieste di Sant Andree (30-XI), la vere puarte dal Unvier e timp de viertidure de stagion juste par copâ il purcit come che al ricuarde un cetant famôs proverbî: A Sant Andree il purcit su la bree. Copâ il purcit, tirât su par un an de famee e diventât bestie simpatiche e mansuete, al jere un fat impuartant te vite sociâl dal mont contadin. Passe il displasê dal copâ une bestie domestiche cetant volude ben, il «purcitâ» al jere una ocasion di fieste pe famee adun cu la sigurece de sorevivenca par dut il lunc unvier. Te culture rurâl furlane, difat, viers il purcit e esisteva une grande considerazion ançe pe complete utilizazion des sôs cjars; difat nuie al vignive butât vie di lui, nancje il pêl che une volte al vignive doprât par fâ pinei e adiriture la bufule de aghe e servive par jemplâle di sâin e cussi vè la cuince fintremâi in primevere. Il 30 di Novembre a Gurize si davuelç l'antighe tradizion dal mercjât di Sant Andree che ançe in di di vuê al da dongje miars di personis di dute la Regjon.